

Mientras cu ayera a presenta un edificio bunita y moderno

Tele Aruba antes tabata un desaster y cu no a kere cu por a trece mucho cambio

A cuminsa di nobo pa garantisha fundeshi fresco segun Roland Croes

ORANJESTAD – Tele Aruba tabata un desaster y cu no a kere cu por a trece mucho cambio. Asina director di Setar NV Roland Croes, doño di Tele Aruba a bisa ayera na inauguración di e Tele Aruba Nobo. “facilidadnan tabata den mal estado” Croes a bisa. Situacion financiero tabata malisimo, pa no papia mes di e cultura cu tabata reina den e canal. No a kere cu lo por a cambia esaki mas tampoco.

CUMINSA DI NOBO

Aña di deterioro a pone e stempel riba e compania aki. “Ne momento ei nos a pone como condicion cu mester a cuminsa cu un compania bashi pa pone un fundeshi

solido atrobe” Croes a bisa. Esaki a implica cu e canal a cuminsa completamente bashi, of manera ta bisa na ingles ‘start from scratch’. E tabata un decision duro pero necesario.

AREGLO HUMANO

A bai di acuerdo cu lo (hunto cu gobierno) trata na yega na un arreglo mas humano posibel cu a haya nan retiro e momento ei. “Mes momento a start proceso pa pone e planta riba pia atrobe. Algo cu a tuma mas largo cu a anticipa” Croes a sigui conta. E tardansa tabatin su motibonan tambe.

TARDANSA DEN CONSTRUCCION

Entre e motibonan, esunnan

cu a sobresali ta construccion y e condicion den cual esakinan mester a keda completa. Awasero tabata yobe hopi entre november y december. “Te hasta tabatin consecuencia pa material cu mester a bin for di exterior.

Entre nan, material for di Cartagena. Awa a yobe tres siman largo cu no por a transporta nan pa nos isla” Croes a bisa. Esaki tabata e dak.

INSTALACIONAN NOBO

Den practica a resulta cu mester a cambia hopi mas parti di e dak cu nos a spera prome, den e compania. A pone cu no por a start cu instalacion di e ekipo nobo

prome cu e dak tabata riba dje. “Di tur manera, na final di januari 2005, nos a start cu e instalacion di e ekipo nobo. Ora cu tabata instala, ekiponan cu nos a pensa na prome instante ta den bon estado, no tabata funciona tampoco conforme standard. Y mester a busca otronan acerca” Croes a continua.

AINDA FALTA APARATO

“Finalmente a muestra cu falta

un par di cos chikito ainda cu tin cu wordo completa, pero esei no ta stop nos awe di re-inaugura Tele Aruba” Croes a sigui bisa. Tele Aruba hunto cu e otro compania Cable TV Aruba, ta forma un parti importante di Setar NV. Algo cu dentro di un aña tin cu duna su fruta y lo completa e sinergia di grand slam cu Setar a bin ta boga pe.